

# **Abal ka exbay an Tolmixtaláb abal ti exóbal abal an tamkuntaláb / Ejatal ani i T'ojlábil tu aykol k'ál a Cristo**

## **2 MA TI 8 A NOVIEMBRE**

**K'ALÁB AXI TI BIBLIA | ÉXODO 39 ANI 40**

**«A Moisés in belka' patal an kaw antsaná' jant'ini' ti uchan»**

**w11 15/9 27 párr. 13**

**¿Tin exlál a Jehová?**

<sup>13</sup> Tin puwél an tsabál «a Moisés jatsak axi más maxu», yab ejtíl a Core (Núm. 12:3). ¿Jant'ini' tin tejwamédhá' abal pelak maxu? In ko'oy i tsa'ataláb ani in belka' patal jawa' uchan k'ál a Jehová (Éxo. 7:6; 40:16). An Biblia yab in olnál max a Moisés wilk'ih u it'ixbelak k'ál a Jehová k'ál jawa' u úchnalak kin t'aja'. Ki tsalpay tam ti a Jehová in ucha' a Moisés ka ts'éjkanchat jun i tabernáculo abal ka k'ak'háj. A Moisés uchan jant'ini' ti kwa'alak ka ts'éjkáj, ejtíl, uchan jant'oj tam toltom kin eyendha', jant'oj tam colores, jant'ini' kin pala' ani yan jant'oj más (Éxo. 26:1-6). Al yan i támub, a Jehová in eyendhámal i inikchik abal kin ok'na' in bichowil, walám junchikíl yab i lej kulbetnál tam axéchik xi inik tu pidhál i olchixtaláb axi tsál-payal abal yab lej exbadh. Pero a Jehová pel t'okat ani in belál abal an inikchik axi in bijiyamal ne'ets kin t'aja' jun i alwa' t'ojláb. Jaxtám, tam junchikíl in bínal yan i olchixtaláb abal jant'ini' ka t'ajan jun i t'ojláb pel kom in exlál abal i yéjenchal ki exla'. Tam ti a Moisés pidhan yan i olchixtaláb k'ál a Jehová abal jant'ini' kin ts'éjka' an tabernáculo, yab tsakuy, yab in tsalpay abal k'wajatak ti uchnal abal yab in exlál jant'ini' ti kin t'aja' an t'ojláb. A Moisés bélkaxin. Ani in t'aja' ti kwéntaj abal an t'ojnalchik kin t'aja' patal, antsaná' jant'ini' tin ulumal a Jehová (Éxo. 39:32). ¡A Moisés lej tsa'atak in ichích! A Moisés in exlalak abal an t'ojláb pel in k'ál a Jehová, ani abal jajá' expidh k'wajatak ti eyen-dháb.

**w05 15/7 26 párr. 3**

**¿I belkál patal antsaná' jant'ini' tu ólchal a Jehová?**

<sup>3</sup> Hebreos 3:5 in ulal abal «a Moisés in putuw k'ál in uchbíl jant'ini' in t'oijnalil a Dios». ¿Jale' ti a Moisés pelak jun i t'oijnal putudh? Tam ti a Moisés in ts'ejka' ani in kuba' an tabernáculo, «in t'aja' patal antsaná' jant'ini' ti uchan k'ál a Jehová» (Éxodo 40:16). Patal in t'oijnalil a Jehová in tejwamedhál i putudhtaláb tam ki belka'. Jayej i tejwamedhál max ki áynanchij ki t'ojonchij belits max k'wajat i tametnál jun i k'i-bataláb o max i wat'amal jun i yajchiktaláb. Pero yab expidh max ki kuxuy jun i k'i-bataláb axi púlik ne'ets kin tejwamédhá' max u putudh. Ti Lucas 16:10 a Jesús in uluw: «Jitáts kin alwa' eyendha' axi in kwa'alits wé', max ka pidhan yan jayetsek'ij ne'ets kin alwa' eyendha', jitats yab kin alwa' eyendha' axi in kwa'alits wé' max ka pidhan yan jayetsek'ij yab ne'ets kin alwa' eyendha'». Kwa'al ki belka' a Jehová belits max ki tsalpay abal yab lej exbadh jawa' ne'ets ki t'aja'.

**Ki aliy i exbadh exobchixtaláb ti Biblia axi tsinat**

**it-2 663**

**In ot'ol an foca**

**¿Ju'taj tin ela'chik an israelitas in ot'ol an foca?** Max an kaw tá-jasch axi k'wajat ban Biblia pel in bij jun i foca, tam in tomnál ki konowiy ti ba', ¿ju'taj in ela'chik an israelitas in ot'ol an foca? Walám i ats'amal abal an focas u k'wajil jú'taj ti tsamay pero jayej wa'ats axi u k'wajil jú'taj ti más k'ak'. K'ál an támub, an inik in tsemhdámal i focas ani we'ménékchik, pero ti biyál ban mar Mediterráneo ani ban mar Rojo lej wa'atsak i focas. Ti 1832, jun i diccionario ti inglés axi in bij *Dictionary of the Holy Bible* (de

Calmet, pág. 139) in uluw axé: «Elnenek i focas al yan i islas axi wa'ats ban mar Rojo, axi k'wajat ban península ti Sinaí». (Ka ajiy jayej *The Tabernacle's Typical Teaching*, de A. J. Pollock, Londres, pág. 47.)

## it-2 664 párr. 1

### In ot'ol an foca

Ti biyál an egipcios u nújulak ani u ts'a'um utat ban mar Rojo ani tana' jayej in báts'uwalak jawa' u ápchinalak k'al yan i bichow. Walám jaxtám tin exlálakchik in ot'ol an foca. Walám tam ti k'wajiyachik ti Egipto, an israelitas in ts'a'iychik in ot'ol an foca, ani tam ti kálejchik in ne'dhaj, ani jayej pídhanchik k'al an egipcios. (Éx 12:35, 36.)

## w15 15/7 21 párr. 1

### ¿Walám exbadh jita' tu tsú'chal i t'oijlabil?

An Biblia in ulal abal tam ti talabedháj ka ts'ejkáj an tabernáculo, «jun i tokow kublen eblim ban tabernáculo» (Éx. 40:34). Axé in tejwamé-dha' abal an t'oijláb pel in k'al a Jehová. ¿Jant'o walám in ats'a' a Bezalel ani a Oholiab tam ti in ts'u'uw patal nixé? Belits abal yab olnáj jita' in ts'ejka' nixé' xi eyextaláb, in ats'a'chik lej kulbél tam ti in ts'u'uw abal a Jehová in báts'uwalak in t'oijlabil (Prov. 10:22). Ani in áynanchij ka k'wajiyachik kulbél kom an t'oijláb axi in t'ajámal-chik in áynanchij ka eyan abal ka k'ak'náj a Jehová. A Bezalel ani a Oholiab ne'ets kin ats'a'-chik lej kulbél tam ka ejtsin ban ít tsabál ani kin exla' abal an tabernáculo in puwénchij a Jehová quinientos i támub.

## 9 MA TI 15 A NOVIEMBRE

### K'ALÁB AXI TI BIBLIA | LEVÍTICO 1 MA TI 3

### «¿Jale' ti an israelitas in binalak i ts'akchix-taláb?»

## it-2 523 párr. 1

### Ofrendas

**Ts'akchixtaláb axi u chíkchinalak a Jehová.** Axé xi ts'akchixtaláb expidh pelak abal a Jeho-

vá, u pídhnalak putat. Axi in binalak yab in éjtowalak kin jila' nibal jun i pejach abal jaja'. (Ka jumbiy k'al Jue 11:30, 31, 39, 40.) Axé xi ts'akchixtaláb pelak abal a Jehová kin bats'uw an ts'akchixtaláb axi u nenchabak abal ka pákwlanchat in waláb. A Jesucristo pelak jant'i-ní jun i «ts'akchixtaláb» binadh expidh abal a Jehová.

## it-2 525 párr. 8

### Ofrendas

**Ofrendas de grano.** An ofrendas de grano u binabak júnax k'al an ofrendas de comunión, an ts'akchixtaláb axi u chíkchinalak a Jehová ani an ts'akchixtaláb abal ka pakwlanchat in wálab an israelitas. Jayej u binabak jant'i-ní an k'aál t'ayabláb axi u wa'tsinalak, ani junchikil u binabak kwetém. (Éx 29:40-42; Le 23:10-13, 15-18; Nú 15:8, 9, 22-24; 28:9, 10, 20, 26-28; cap. 29.) An israelitas in binalak axé xi ts'akchixtaláb abal kin k'ak'nanchij a Jehová kom lej labliyámejchik, jaxtám jayej in pidhalak i aceite ani i olíbano. Abal an ofrendas de grano in éjtowalak kin bína' i flor de harina, i grano t'ilidhits o i tortas axi ejtil i galletitas. Axé in tek'dhálak al jun i lamina o al jun i olla axi lupudh. Ts'ejel k'al an ofrenda in púnuwalak jú'taj ti ne'ets an ofrenda quemada, jawa' u jílk'onalak in k'apal an sacerdotes ani max an ofrenda de grano k'wajatak in binál abal ka k'wajiy koyat k'al a Jehová, axi in binalak jayej in éjtowalak kin k'apuw. (Le 6:14-23; 7:11-13; Nú 18:8-11.) An ofrendas de grano yab u awi-lak ka jólchin i levadura nibal i «tsi'ím», nibal in ja'líl jun i waliláb k'al axi ka jilmedháj. (Le 2: 1-16.)

## it-2 523 párr. 6

### Ofrendas

**Ofrendas de comunión (ts'akchixtaláb abal ka k'wajiy koyat k'al a Jehová).** Tam a Jehová in báts'uwalak axé xi ts'akchixtaláb, in tejwamedhálak abal k'wajat koyat k'al jita' in binalak. Axi in binalak an ts'akchixtaláb ani in yanél ja-

yej in éjtowalak kin k'apuw. (Ban tabernáculo ts'ejkáj i tsakam padhel ju'táj ka k'aputschik ani ban templo wa'atsak jayej ju'táj ka k'aputs.) An sacerdote axi in ok'nalak an ts'akchixtaláb in bats'uwalak wé' i k'apnél ani jayej an sacerdotes axi k'wajatak ti tolmix. In niwiítal in k'anál an ko'nél, u k'adhlilak abal a Jehová ani in xits'ál an ko'nél pelak abal a Jehová. Pel ejtíl max a Jehová, an sacerdotes, ani axi in binalak an ts'akchixtaláb u k'apulak junax, axe' in tejwamedhálak abal k'wajatchik koyat. Max jun i israelita kin bína' i ts'akchixtaláb ani yab k'wajat t'okat tin iniktal o kin k'apuw an t'u'lek axi in kwa'alits dhayach yan a k'icháj, nixé' xi israelita kwa'alak ka tsemdháj. Nixé' xi atikláb in lúkliyalak an k'apnél kom jajá' luklidh in iniktal o kom in k'apalak i k'apnél axi a Jehová yabáts in tsu'tal alwa'. Antsaná' in tejwamedhálak abal yab in k'ak'nál jawa' a Jehová in ts'utalak t'okat. (Le 7:16-21; 19:5-8.)

## Ki aliy i exbadh exobchixtaláb ti Biblia axi tsinat

### w04 15/5 22 párr. 1

Exbadh exobchixtaláb axi i kalthál al an libro in kál a Levítico

#### 2:13. ¿Jale' ti kwa'alak ka púnchat i at'em patal «an ts'akchixtaláb axi u binabak»?

Yab pelak abal kin yak'wa' más in kujuw an t'u'lek. An at'em u eyendháb abal yab ka odhey an t'ulek. Walám u jólchinalak i at'em an ts'akchixtaláb abal ka t'ipoyat abal an t'u'lek pelak alwa', yab odhenek.

### it-1 1039

In k'anál

**¿Jale' ti bináj axé' xi abatnaxtaláb?** An abatnaxtaláb in ulalak abal in xits'ál an ko'nél ani in k'anál pelak expidh abal a Jehová. I xits'ál játs axi in t'ajal abal ku k'wajij ejat, ani expidh a Jehová játs axi in binál an ejataláb, jaxtam i xits'ál pel ejtíl max in kál a Jehová. (Le 17:11, 14.) In k'anál an ko'nél pelak jawa' más kujuw. Tam

an israelita in pidhalak a Jehová in k'anál an ko'nél, in tejwamedhálak abal jawa' más alwa' pel abal a Jehová, kom a Jehová u lej lablix, ani in tejwamedhálak abal in le'ák kin pidha' a Jehová jawa' más alwa'. Tam u pídhonalak in k'anál an ko'nél, k'wajatak ti pídhnal jawa' más alwa' abal a Jehová, ani nixé' pelak jant'iní i «k'apnel» abal Jajá', kom in «niwiítal» an ko'nél u k'adhlilak abal a Jehová. (Le 3:11, 16.) Tam, jita' tin k'apchij in k'anál an ko'nél, pel ejtíl max in kwe'chalak jawa' tákudhits abal a Jehová. Jita' kin t'aja' antsaná', kwa'alak ka tsemdháj. In xi'tsál jun i ko'nél yab u awilak ka eyendháj abal ni jant'oj, pero in k'anál junchikil awilak ka eyendháj, ejtíl max an ko'nél elan tsémenek o max tsemdháj k'al k'eat i ko'nél. (Le 7:23-25.)

### w04 15/5 22 párr. 2

Exbadh exobchixtaláb axi i kalthál al an libro in kál a Levítico

**3:17.** An israelitas in exlalak abal in k'anál an ko'nél jats jawa' más kujuw, jaxtam tam tam ti uchanchik abal yab kin k'apuw, in éxbaychik abal jawa' más alwa' pel abal a Jehová (Génesis 45:18). Axé' tu t'ilchal abal kwa'al ki t'ojonchij a Jehová k'al patal i ichích (Proverbios 3:9, 10; Colosenses 3:23, 24).

## 16 MA TI 22 A NOVIEMBRE

**K'ALÁB AXI TI BIBLIA | LEVÍTICO 4 ANI 5**

**«Ki pidha' a Jehová jawa' más alwa'»**

### it-2 524 párr. 13

Ofrendas

**Ts'akchixtaláb abal i walabtaláb axi kidháb.** Axé' xi ts'akchixtaláb u binabak abal tam jun u wálbinal. Axé' xi ts'akchixtaláb wé' junits, kom expidh u binakab abal talchik i walabtaláb axi an israelita in t'ajalak. Walám axé' xi ts'akchixtaláb u binabak abal tam an israelita in k'ipchalak a Jehová o tam in odhnalak in at israelita. Axé' xi ts'akchixtaláb u binabak abal ka kulbedháj a

Jehová, abal ka pákwlanchat in wálab ani abal ka tólmiyat kin lujkuw in bélil. (Ka jumbiy k'al Isa 53:10.)

### w09 1/6 26 párr. 3

#### A Jehová in t'ajál ti kwéntaj jay i éjtowal ki t'aja'

An abatnaxtaláb axi a Jehová in pidha' an israelitas in tejwamédha' abal in lej k'anidhá-lakchik, in ulalak: «Jita'chik lej ts'ejwantál ani yab in éjtowal kin bína' jun i oveja, tam kwa'al kin bína' tsab i bok' o tsab i pichones abal ka pákwlanchat in wálab» (versículo 7). Ti Hebreo, an kaw «max lej ts'ejwantál», in lé' kin uluw «max yab in éjtowal kin bajuw k'al in k'ubak». Max jun i israelita lej ts'ejwantál ani yab in éjtowal kin bína' jun i oveja, k'al a Dios u bats'k'unchábak tsab i bok' o tsab i pichones, max in bájuwalak abal kin ts'a'iy.

### w09 1/6 26 párr. 4

#### A Jehová in t'ajál ti kwéntaj jay i éjtowal ki t'aja'

¿Ani max an israelita yab in éjtowalak kin ts'a'iy tsab i bok' o tsab i pichones? An abatnaxtaláb in ulalak: «Kwa'al kin léjbay i harina [ocho o nueve tazas] ani játs kin bína' jant'ini' i ts'akchixtaláb abal ka pákwlanchat in wálab». I t'ajál ti kwéntaj abal a Jehová yab in kónchalak i ko'nél jita'chik lej wát'adhits ts'ejwantál. Ti Israel ma jita' lej wát'adhits ts'ejwantál, in éjtowalak kin bína' jun i ts'akchixtaláb abal ka pákwlanchat in wálab abal ka k'wajiy koyat k'al a Jehová.

#### Ki aliy i exbadh exobchixtaláb ti Biblia axi tsinat

### w16.02 30 párr. 14

#### Ki nits'biy an putudhtaláb axi in tejwamédha' in t'ojnalil a Dios axi ti biyál

<sup>14</sup> An k'anidhomtaláb játs axi ne'ets tu ku tólmiy abal ku k'wajiy putudh k'al a Jehová al jawakits tam k'ibataláb. Jun i t'iplab, ka tsalpay abal a

exlálits abal jun i epchal in t'aja' jun i walabtáláb axi kidháb. Tatá' yab a lé' ka k'ipchij an epchal, ani más max pel a ja'úb o jun a yanél. Pero tatá' a exlál abal jawa' más exbadh pel yab ka k'ipchij a Jehová, jaxtam a tákuyal ka belka' a Jehová ani ka tólmiy an epchal. ¿Jant'oj kwa'al ka t'aja'? Ka nits'biy a Natán, ka t'aja' jawa' tekedh, pero k'al i k'anidhomtaláb. Ka ucha' an epchal abal ka t'ilmáts k'al an ók'nomchik. Max ka t'aja' ti kwéntaj abal an epchal yab in t'ajamal, tam tatá' kwa'al ka t'ilmay an ók'nomchik. Antsaná' ne'ets ki k'wajiy putuh k'al a Jehová. Antsaná' a tejwamedhál abal a k'anidhál an epchal, kom k'al an ók'nomchik ne'ets ka tólmiyat k'al yan i k'aya'taláb ani i k'anidhomtaláb (**ka ajiy Levítico 5:1 ani Gálatas 6:1**).

### it-2 940 párr. 6

#### Santidad

**Animales y productos agrícolas.** Tam an vaca, an oveja ani an cabra kin ko'oy in k'aál t'am ani max pel i inik, nixé' pélag abal a Jehová. Kwa'alak ka pidhan a Jehová jant'ini' i ts'akchixtaláb ani wé' k'al nixé' an t'u'lek, pélag abal an sacerdotes. (Nú 18:17-19.) An k'aál wali-láb axi u wa'tsinalak ani an diezmo pélag abal a Jehová. A Jehová in tsu'talak t'okat patal an ts'akchixtaláb ani an ts'ejwalixtaláb axi u nenchabak. (Éx 28:38.) Patal jawa' u pídhnalak a Jehová pélag jant'oj t'okat. Yab in tomnálak ka alk'idh takan nibal ka eyendháj abal k'e'at jant'oj. Jun i t'iplab pel an diezmo. Max jun i israelita in takuyámalits an k'apnél axi ne'ets kin pidha' a Jehová jant'ini' diezmo, yabáts in éjtowalak kin yák'wchij abal kin k'apuw. Max kin yák'wchij, yab k'wajatak in belkál an abatnaxtaláb in k'al a Jehová. An abatnaxtaláb in ulalak abal kwa'alak kin wíchba' jawa' in yák'wchij, ani kin bína'ak 20% más. Jayej kwa'alak kin bína' jant'ini' i ts'akchixtaláb jun i carnero axi yab u ya'ul. Axé' in t'ajalak abal an israelitas kin lej k'ak'na'chik jawa' in pidhámalits a Jehová. (Le 5:14-16.)

## 23 MA TI 29 A NOVIEMBRE

### K'ALÁB AXI TI BIBLIA | LEVÍTICO 6 ANI 7

#### «Jun i ts'akchixtaláb axi u kálelak ma tin ichich»

w19.11 22 párr. 9

Jawa' tu exóbchal an libro in k'ál a Levítico

*<sup>9</sup> Tsabchíl exobchixtaláb: i t'ojonchal a Jehová kom i k'ak'nanchal jawa' tu pidhál.* Ki tsalpay k'al jun i ts'akchixtaláb axi in binalak an israelitas: an ts'akchitaláb abal ka k'wajiy koyat k'al a Jehová. Ti Levítico, i exobnál abal an israelitas in binalak jun i ts'akchixtaláb abal ka k'wajiy koyat k'al a Jehová, kom «in lej k'ak'nanchalak jawa' pidhnének» (Lev. 7:11-13, 16-18). Axé' xi ts'akchixtaláb yab u kónchinalak kin t'aja', in binalak kom u kalelak ma tin ichich. In binálakchik axé' xi ts'akchixtaláb kom in k'anidhálakchik a Jehová. Axi in binalak an ts'akchixtaláb ani in yanél u k'ápalakchik k'al an sacerdotes. Pero talchik i pejach in k'al an ko'nél pelak expidh abal a Jehová. ¿Jawa'?

w00 15/8 15 párr. 15

I ts'akchixtaláb axi in kulbetna' a Jehová

*<sup>15</sup> An libro in k'ál a Levítico, ban capítulo 3, u kaw tin kwéntaj jun i ts'akchixtaláb axi an israelitas in binalak. U uluwabak abal axé' pel jun i ts'akchixtaláb abal ka k'wajiy chik koyat k'al a Jehová. Ti Hebreo, an kaw «koyataláb» yab expidh in lé' kin uluw abal yab wa'ats i pextaláb. Ban Biblia, an kaw «koyat», jayej in lé' kin uluw abal jun k'wajat koyat k'al a Dios, abal k'wajat alwa' ani kulgél. Antsaná' tin ulal an libro *Studies in the Mosaic Institutions* (Estudio de las instituciones mosaicas). An ts'akchixtaláb axi an israelitas in t'ajalak abal ka k'wajiy koyat k'al a Jehová, yab pelak abal yabchik ka odhnáj. Pelak abal kin k'ak'nanchij a Jehová kom u beletnábchik ani u labliyáb. Talbél tin pidhamal a Jehová in xits'ál ani in k'anál an ko'nél, an sacerdote ani axi in binalak an ts'akchixtaláb in k'ápalakchik an t'u'lek (Levítico 3:17; 7:16-21;*

19:5-8). Nixé' a k'icháj lej k'ijidhak kom pel ejtíl max a Jehová, an sacerdote ani an israelita axi in binalak an ts'akchixtaláb, u k'apulakchik juna. Axé' in tejwamedhálak abal k'wajatakchik koyat.

w00 15/8 19 párr. 8

I ts'akchixtaláb axi in kulbetna' a Jehová

*8 ¿Jant'oj u kónchinalak kin t'aja' jita' ne'ets kin bina' jun i ts'akchixtaláb? An abatnaxtaláb in ulalak abal jita' ne'ets kin bina' jun i ts'akchixtaláb, kwa'alak ka k'wajiy t'okat tin iniktal. Jita' yab k'wajatak t'okat tin iniktal o in t'ajamal jun i walabtaláb axi kidháb, ok'ox kwa'alak kin bina' jun i ts'akchixtaláb abal ka pákwlanchat in wálab. Talbél, in éjtowalakits kin bina' jun i ts'akchixtaláb abal ka k'wajiy koyat k'al a Jehová (Levítico 5:1-6, 15, 17). Tam, ¿i éxbayal abal kwa'al ku xe'tsin t'okat tin wál a Jehová? Max i lé' abal a Jehová kin bats'uw an k'ak'naxtaláb axi i pidhál, dhúbatk'ej kwa'al ki tsápnanchij ki lujkuw i belil. Kwa'al ki eyendha' an tolmixtaláb axi a Jehová in binamal, ejtíl: an ók'nomchik axi ti tamkuntaláb ani a Jesucristo, kom játs k'al axi tu pakwlancharáb i wálab (Santiago 5:14; 1 Juan 2:1, 2).*

**Ki aliy i exbadh exobchixtaláb ti Biblia axi tsinat**

*it-1 970*

Fuego

*Jant'ini' tu eyendhábak ban tabernáculo ani ban templo.* An k'amal eyendháj abal ka k'ak'naj a Jehová ban tabernáculo ani ban templo. Chudhél, tam dhajuw ani tam wákal, an sumo sacerdote kwa'alak kin chika' i incienso ban altar. (Ex 30:7, 8.) An abatnaxtaláb axi in bina' a Jehová in ulalak abal ets'ey kwa'alak ka wa'tsin i k'amal ban altar jú'taj u chíknalak an ko'nél. (Le 6:12, 13.) Yan i judíos in belál abal a Dios játs axi in lék'wtsij an k'amal axi k'wajatak ban altar. Pero an Biblia yab in olnál nixé'. A Moisés uchan abal in tsakámil a Aarón játs axi kwa'alak kin

lék'wtsij an k'amal ban altar ani kin t'ia' eblim an dhi' abal talbél taná' ka bináj an ts'akchixtaláb. (Le 1:7, 8.) A Jehová in aba' i k'amal abal ka t'aiy an ts'akchixtaláb axi púnuwat ban altar, pero axé' wat'ey *talbél* ti bijiyámejits in tsaká-milchik a Aarón jant'ini' i sacerdotes, talbél ti binamej an k'aál ts'akchixtaláb. Tam, an k'amal axi a Jehová in aba', yab pelak abal kin lék'wtsij an dhi', pelak abal kin chika' an ts'akchixtaláb axi púnchat eblim. An k'amal in áynachij ka k'wajiy lék'wtsidh, walám pel k'al axi a Jehová in aba' ani k'al axi an sacerdotes in lék'wtsinchij. (Le 8:14-9:24.) Tam ti ta'páj ka ts'ejkáj an templo, a Salomón in olonchij a Jehová ani tam jun i k'amal chích ti éb ani in chika' an ts'akchixtaláb. (2Cr 7:1; ka ajiy jayej Jue 6:21; 1Re 18:21-39; 1Cr 21:26, taná' in olnál k'eatchik i t'iplab abal a Jehová in aba' i k'amal ani in chika' an ts'akchixtaláb axi in báts'k'unchij in t'ojnalil.)

## si 27 párr. 15

### Libro bíblico número 3: Levítico

<sup>15</sup> 3) Kwa'alak kin bina' jun i ts'akchixtaláb abal ka pákwlancharat in wálab jita' wálibin ani yab in t'ajchíl. Júnits an ko'nél axi kwa'lak ka bináj, max axi wálibin pela an sacerdote, patal an bichow, jun i ók'lek o jun i alk'ihd israelita. Axé' xi ts'akchixtaláb kwa'alak ka bináj, kom pelak abal ka pákwlancharat in wálab jun i atikláb. Yab ejtíl axi jun an ts'akchixtaláb axi expidh u binabak abal ka k'wajiy koyat k'al a Jehová (4:1-35; 6: 24-30).

## 30 A NOVIEMBRE MA TI 6 A DICIEMBRE

### K'ALÁB AXI TI BIBLIA | LEVÍTICO 8 ANI 9

#### «Jun i t'iplab abal a Jehová tu labliyal»

## it-1 1239

### Instalación

A Moisés in ucha' a Aarón, a Nadab, a Abihú, a Eleazar ani a Itamar abal kin t'okedha'chik

tin ba' ban palangana ts'ejkadu k'al i cobre axi k'wajatak eléb ban tabernáculo. Talbél in káychij a Aarón an tol tom axi ne'etsak kin eyendha' abal ti sumo sacerdote. (Nú 3:2, 3.) An tol tom axi káychat a Aarón in tejwamédhá' jay in exbadh in kwa'alak in t'ojlabil ani abal kwa'alak ka k'wajiy t'okat. Talbél a Moisés in labliy an tabernáculo, patal jawa' ne'etsak ka chikan an ts'akchixtaláb, an palangana, ani patal an eyextaláb. Antsaná' ti lábliyat patal jawa' wa'atsak ban tabernáculo, ani taná' abal ok'ox expidh ne'etsak ka eyendha' abal ka k'ak'náj a Jehová. Talbél, a Moisés in labliy a Aarón tam ti in jólchij i aceite tin ok'. (Le 8:6-12; Éx 30:22-33; Sl 133:2.)

## it-1 1240 párr. 8

### Instalación

Ban waxik k'icháj, an sacerdotes tújeyits kin t'aja' in t'ojlabil. Yabáts tolmidh k'al a Moisés. An israelitas in yéjenchalak ka pákwlancharat in wálab kom ítek'ej in k'ak'nachik an becerro de oro, ani a Jehová u tsakulak k'al jajá'chik. (Le 9:1-7; Éx 32:1-10.) Tam ti taleychik kin bina' an ts'akchixtaláb, a Jehová in aba' i k'amal ani in chika' an ts'akchixtaláb, antsaná' in tejwamédhá' abal in bats'uwalak an t'ojláb axi in t'ajalak an sacerdotes. (Le 9:23, 24.)

## w19.11 23 párr. 13

### Jawa' tu exobchal an libro in k'al a Levítico

<sup>13</sup> *Tse'chíl exobchixtaláb: a Jehová in labliyal in bichówil.* Ki exobna' jawa' wat'ey ban támub 1512 antes de nuestra era, tam ti kuban an tabernáculo utat ban Sinaí (Éx. 40:17). A Moisés in ók'na' an ajib tam ti bíjiyat a Aarón ani in tsakámil jant'ini' i sacerdotes. An israelitas tamkun abal kin tsu'uw tam ti an sacerdotes in bina' an k'aál ts'ak'chixtaláb (Lev. 9:1-5). ¿Jant'ini' in tejwamédhá' a Jehová abal in báts'uwalak jant'ini' i sacerdotes? Tam ti a Aarón ani a Moisés in labliy an israelitas, a Jehová in aba' i k'amal abal kin chika' an ts'akchixtaláb axi bináj ban altar (**ka ajiy Levítico 9:23, 24**).

## Ki aliy i exbadh exobchixtaláb ti Biblia axi tsinat

w14 15/11 9 párr. 6

¿Jale' kwa'al ku k'wajiy t'okat?

⁶ An sacerdotes kwa'alak kin ko'oy t'okat in iniktal, ani axé' tu exóbchal yan jant'oj xowé' wawá. Yan i exóbal k'al an Biblia in t'ajalchik ti kwéntaj abal jú'taj u támkunal lej t'okat ani abal u k'alel alwa' ts'éjkokodh ti tamkuntaláb. Pero in t'iplabil an sacerdotes tu exóbchal abal jita' in lé' kin t'ojonchij a Jehová, kwa'al kin ko'oy t'okat in ejatal (**ka ajiy Salmo 24:3, 4; Is. 2:2, 3**). A Jehová in lé' abal ki ko'oy t'okat i ichích, i tsalápil ani i ejatal, abal ki ejtow ki k'a-k'na'. Jaxtám kwa'al ki t'aja' ti kwéntaj jant'ini' exom i k'ak'nál. Walám ki tsu'uw abal i yéjen-chalej ki jalk'uy jant'oj ti ejatal. (2 Cor. 13:5). Jun i t'iplab, max jun i epchal axi pujadh t'ajchíl in tsu'tal i pornografía in tomnal kin tsalpay: ¿«U tejwamedhál abal t'okat u ejatal?», ani kwa'al kin konoy ka tólmiyat abal kin jila' kin t'aja' nixé' (Sant. 5:14).

it-2 416 párr. 1

Moisés

A Jehová in eyendha' a Moisés abal kin ts'ejka' jun i pacto k'al a Israel, nixé' xi t'ojláb yab jita' in t'ajamal, expidh a Jesucristo. K'al in xits'ál an kohél axi bináj ti ts'akchixtaláb a Moisés in wadhiy an libro del pacto. Jawa' in t'aja' a Moisés in t'ipoy abal a Jehová in ts'ejka' jun i kaw k'al an bichow Israel. A Moisés in ajiy an libro del pacto, ani an israelitas tok'tsin: «Ne'ets ki t'aja' patal jawa' a Jehová tu uchamal ani ne'ets ku bélkaxin». (Ex 24:3-8; Heb 9: 19.) A Moisés eyendhaj k'al a Jehová abal kin ók'na' an tojláb tin kwéntaj an tabernáculo ani abal ka ts'ejkáj an eyextaláb axi ne'etsak ka eyendháj taná', jayej in bijiy an sacerdotes, in labliy an tabernáculo ani in jolchij i aceite tin ok' a Aarón. Talbél, jayej in ók'na' an k'aál t'ojláb axi in t'aja' an sacerdotes. (Ex 25-29; Le 8, 9.)





